

17. april 2015

UPA2015/7

Ilanngussaqq J



INATSISARTUT

**Ilinniartitaanermut, Kultureqarnermut,
Ilisimatusarnermut Ilageeqarnermullu
Naalakkersuisoq**

Ulloq: 13. april 2015

J.nr.: 01.31.11-00014

**Aningaasaqarnermut Akileraartarnermullu Ataatsimiititaliamit pingasunngornermi
ulloq 15. april 2015, nal. 18.45 inersuarmi ataatsimiinnerup kingorna ataatsimiittarfik
1-imi siunersiorneqarnissamut aggeqqusissut.**

2015-imi aningaasanut inatsisissatut siunnersuut pillugu Inatsisartut suleriaasianni § 19 naa-
pertilugu siunersiorneqarnissamut Ilinniartitaanermut, Kultureqarnermut, Ilisimatusarner-
mut Ilageeqarnermullu Naalakkersuisoq Aningaasaqarnermut Akileraartarnermullu Ataatsi-
miititaliamit matumuuna aggersarneqarpoq. (UPA 2015/7).

Aningaasaqarnermut Ataatsimiititaliap oqaaseqaatai apeqqutaalu:

Aningaasaqarnermut Ataatsimiititaliap 2015-imi aningaasanut inatsisissatut siunnersuummut
ilassutitut apeqqtai oqaaseqaataalu matumuuna nassiunneqarput. Ataatsimiititaliap 18.
marts 2015-imi apeqqutaanut Naalakkersuisut akissutaasa Aningaasaqarnermut Ataatsimiiti-
taliat mit misissorneqarnerat apeqqtinut pingaarnertut tunngavigineqarpoq.

Tassunga atatillugu apeqqtutit makku Naalakkersuisunit akineqarnissaat Aningaasaqarner-
mut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 18. marts apeqqutaanut normuliunne-
qartut assigaat.

10.5 Konto pingaarneq 40.02.06 Ilinniarnermi tapiissutit meeqqanullu tapit

Piffissarititaasup iluani ilinniagaqartut naammassisartut procentiat eqqarsaatigalugu Naalak-
kersuisut qanoq misilittagaqarnerisut aammalu tamanna kontomut pingaarnermut matumun-
nga qanoq sunniuteqarsinnaanersoq paasissutissiissutigineqassasoq ataatsimiititaliamit
kissaatigineqarpoq.

Nunanut nalinginnaasumik sanilliuttakkatitsinnut sanilliullugu nunatsinni taamaatiinnartartut
amerlaneruppat? Aalajangersimasut taamaatiinnartarpat imaluunniit ilinniartut tamarmik taamaa-
tiinnarnissamut navianartorsiorpat? Taamaatiinnartarneq akiorniarlugu immikkut ittumik
suliniummot ukiuni arlalinni aningaasanik immikkoortitsisoqarsimavoq, tamannalu iliuitsi-
nik aalajangersimasunik timitaliiffiuvoq – taakku qaqugu sunniuteqarnissaat naatsor-
suutigisinnaavarput? Piffissarititat iluani ilinniagaqartut ilinniarnerminnik naammassinnit
amerlanerunissaat qulakkeerniarlugu maannakkut qanoq iliortoqarpa? Danmarkimi ilinnia-
gaqarnerisuteqartitsinermik iluarsartuussinissaq pilersaarutigineqartoq eqqarsaatigalugu qa-
noq iliuseqartoqalersaarlunilu isumaliuteqartoqarpa – tamanna kalaallinut ilinniagaqartunut
qanoq eqquissava?

10.6 Konto pingaarneq 40.10.06 Kalaallit Nunaanni efterskolit ingerlanneqarnerinut tapiissutit

Siusinnerusukkut apeqqutigineqartumut e)-mut tunngatillugu suleqatigiissitaliap sulianik assigiinngitsunik suliaqartunik ilaasortaqtartup suliani qaqugu naammassissaneraa, suleqatigiissitamut suut suliakkiunneqarsimanersut, piginnaatitaanera kikkullu tassani ilaanersut paasissutissiissutigineqassasoq ataatsimiititaliamit kissaatigineqarpoq.

10.12 Konto pingaarneq 40.91.03 Pikkorissartitsineq

Periusissatut iliuusissatullu pilersaarut ataatsimiititaliap apeqqutaani siullermi taaneqartoq qanoq ingerlanniarnearpa?

10.25 Konto pingaarneq 40.94.14 Nuna tamakkerlugu meeqqanut inuusuttunullu suliniaqatigiiffinnut tapiissutit

Suliniaqatigiiffimmu ilaasortat allattorsimaffiannik naatsorsuutinillu (Kalaallit Nunaanni spejderit) amigaateqartumut aningaasanillu tunniussivigineqarumangitsumut aningaasanik immikkoortitsinissaq Naalakkersuisut qanoq illersorsinnaaneraat itisileqquneqarpoq. Tamanna sumut killippa aammalu taakkununga nunatta karsiata tapiissuteqartarnera qaqugu unitsivinniarneqarpa?

Tapiissutinik atornerluisimanerup ilisimaneqalernerata kingorna Naalakkersuisut Sorlammut sooq suli tapiissuteqartarnersut itisileqquneqarpoq. Qanga politinut nalunaarutiginnittoqarpa?


Taarsiullugu suliniaqatigiiffiit allat pingaarutilinnik aamma suliallit, soorlu Meeqqat Inuunerissut, Nanu børn, Transparency Greenland, Avataq allalluunniit tapiiffigineqartarnissaat Naalakkersuisunit isumaliutigineqarniarpa?

Naalakkersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarnearpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguningua uuriga nassiunneqarnissaa qinnutigineqarpoq: saam@ina.gl. Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluqqusillunga


Jens Immanuelson
Ataatsimiititaliap siulittaasua



Aningaasaqarnermut Ataatsimiititaliaq
/Maani

Oqaluinnarluni saqqummiussinissami najoqqutassiaq, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisup Aningaasaqarnermut Ataatsimiititaliamik isumasioqateqarnissaani pingasunngorneq 15. april 2015, nal. 18:45.

15. april 2015
Sagsnr. 2014-098006
Dok. Nr. 1935748

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Matumuuna Aningaasaqarnermut Ataatsimiititaliap ilassutitut apeqqtai oqaaseqaataalu 2015-imut Aningaasanut inatsisissatut siunnersuummut tunngatillugu isumasiuinissamut aggeqqusissummut atatillugu.

10.5 Konto pingaarneq 40.02.06 Ilinniarnermi tapiissutit meeqqanullu tapit
Piffissarititaasup iluani ilinniagaqartut naammassisartut procentiat eqqarsaatigalugu Naalakkersuisut qanoq misilittagaqarnersut aammalu tamanna kontomut pingaarnermut matumunnga qanoq sunniuteqarsinnaanersoq paasissutissiissutigineqassasoq ataatsimiititaliamit kissaatigineqarpoq.

Nunanut nalinginnaasumik sanilliuttakkatitsinnut sanilliullugu nunatsinni taamaatiinnartartut amerlaneruppat? Aalajangersimasut taamaatittarpat imaluunniit ilinniartut tamarmik taamaatiinnarnissamut navianartorsiorpat? Taamaatiinnartarneq akiorniarlugu immikkut ittumik suliniummut ukiuni arlalinni aningaasanik immikkoortitsisoqarsimavoq, tamannalu iliuutsinik aalajangersimasunik timaliiffiuvoq taakku qaqugu sunniuteqarnissaat naatsorsuutigisinnaavarput? Piffissarititat iluani ilinniagaqartut ilinniarnerminnik naammassinnittut amerlanerunissaat qulakkeerniarlugu maannakkut qanoq iliortoqarpa? Danmarkimi ilinniagaqarnersiuteqartitsinermik iluarsartuussinissaq pilersaarutigineqartoq eqqarsaatigalugu qanoq iliuuseqartoqalersaarlunilu isumaliuteqartoqarpa – tamanna kalaallinut ilinniagaqartunut qanoq eqquissava?

Akissut:

Ukiuni kingullerni ilinniartitaanikkut immikkut ittumik suliniutaasut aqqutigalugit ilinniagaqartut ilinniarnerminnik ingerlatsisut aamma naammassisartut annertuumik amerleriarsimapput. Tamanna piviusunngortinreqarsinnaasimavoq inuit ilinniagaqarnissamut akunnattunik piginnaaneqartut ilinniartitaanerni ilaalersimanerisigut, siusinnerusukkut ilinniagaqarnissamut nukittuumik inissisimasut ilinniagarilersagaanni. Naallu ilinniagaqalersartut amerleriarnerat taanna pissutaalluni ilinniarnerminnik taamaatitsiinnartartut amerleriarnissaat naatsorsuutigineqarsinnaasorineqaraluartoq, ilinniarnerminnik taamaatitsiinnartartut amerleriarsimangillat, tassanilu ilinniakkaminnik taamaatitsiinnartartunik eqqummaarissumik sullissineq pissutaatinneqarpoq.

Taamaattumillu ilimanarluinnartutut isigisariaqarpoq ilinniarnerminnik taamaatitsiinnartartunik sullissinerup iluaqutaasimanagera, naak ilinniagaqalersartut piginnaanikinnerusut amerlanerusut ilinniakkamik aallartitsisalersimagaluartut.

Qularutissaanngilarli ilinniakkaminnik taamaatitsiinnartartut ataatsimut isigalugit suli amerlavallaarmata, sulilu suliniutigineqarpoq taamaatiinnartartut ikinnerulernissaat. Anguniakkallu tamatuma anguneqarsinnaaneranut suliniutaasut annertunersaraat tarnikkut inooqatigiinnikkullu nuna tamakkerlugu ilinniartunik siunnersuisarfimmik pilersitsineq, aningaasanut inatsimmi 2014-imi aningaasaliiffigineqartoq, 2014-illu upernaavani aasaanilu pilersinneqartoq. Maanna suli siusippallaarpoq nalilersussallugu suliniutit taakkua kissaatigineqartutut kinguneqarsimanersut, taamaattorli maluginiarneqarpoq ilinniagaqartut inuusuttullu siunnersuisarfiup neqeroorutaanik atuillualersimasut. Tarnikkut inooqatigiinnikkullu nuna tamakkerlugu ilinniartunik siunnersuisarfimmik pilersitsinerup saniatigut ilinniarfinni namminerini suliniutinik assigiinngiaartorpassuarnik ingerlatsisoqarpoq.

Naggasiullugulu erseqqissarneqassaaq atualernissaq sioqqullugu aamma meeqqat atuarfianni namminerini suliniutaasut annertusineqarnerat taamaatiinnartartut ikinnerulernerannik kinguneqarsinnaammata, isumannaarneqarsinnaappat atuartut meeqqat atuarfianni naammassinerminni fagitigut inuttullu nukittuutut piginnaaneqartut ilinniagaqalernissamut tunngatillugu. Suliassaqarfiullu tamatuma iluani Naalackersuisut kommuninik oqaloqateqarput, siunissami suliniutaalerumaartut eqqarsaatigalugit, ilaatigut meeqqat atuarfiannik nalilersuinermit avataaneersunit suliarineqartumut atatillugu.

Ilinniagaqarnerisiuteqarneq kollegiaqarnikkullu aqqissuusseqqinnermut atatillugu Naalackersuisut suleqatigiissitamik pilersitsisimapput, nalilersuisinneqartunik piviusunngortitsisarnerit annertussusiannik, nutaaliorterup annertussusianik aamma aningaasartuutissanut missingersuusiortarnikkut pitsaaqutaasunik. Naatsorsuutigineqarpoq suleqatigiissitap nalilersuinermini naammassisani politikkikkut suleqqinnissamut tunngavissat 2015-imi aprilip naanerani tunniutissagai. Taamaattumillu suliassaqarfimmi tassani iliuusissanik tigussaasunik suli aalajangersaasoqanngilaq.

10.6 Konto pingaarneq 40.10.06 Kalaallit Nunaanni efterskolit ingerlanneqarnerinut tapiissutit

Siusinnerusukkut apeqqutigineqartumut e)-mut tunngatillugu suleqatigiissitaliap sulianik assigiinngitsunik suliaqartunik ilaasortaqaqartup suliani qaqugu naammassissaneraa, suleqatigiissitamut suut suliakkiunneqarsimanersut, piginnaatitaanera kikkullu tassani ilaanersut paasissutissiissutigineqassasoq ataatsimiititaliamit kissaatigineqarpoq.

Akissut:

Fagit akimorlugit aaqqissuussamik suleqatigiissitap suliaminik september/oktober 2015 naammassinninnissaa naatsorsuutigineqarpoq.

Aqutsisutut suleqatigiissitami ilaasortaapput:

- *Imm. pisortaaneq Daniel Gottrup (Siulittaasoq), Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik.*
- *Imm. pisortaaneq Isak Nielsen Kleist, Inuusutissarsiornermut, Suliffeqarnermut Niuernermullu Naalakkersuisoqarfik.*
- *Naalakkersuisoqarfimmi pisortaanerugallartoq Peter Hansen, Aningaasaqarnermut Naalakkersuisoqarfik.*
- *A/C-fuldmægtigi: Daniela Anahi Fernandez Sveegaard, Kalaallit Nunaanni Naatsorsueqqissaartarfik.*
- *Simon Lennert, Kanukoka.*

Aqutsisutut suleqatigiissitami ilaasortat saniatigut suliniummi ingerlatsisuusumit - projektlederimit – soqutigisaqartut pisariaqartut suliniutip ingerlanneqarnerani pisariaqarfiini akulerunneqartarput.

Suliamut allassimaffik aajuna atuaruminartunngorlugu:

Suliassap allassimaffia - Kommissorium – suliassanik akisussaaffiillu agguataarneqarnerannik nalilersuineq, Piareersarfiit aamma Inuusuttunut ilinniarfiit akornanniittut nalilersorneqarneri, inuusuttut ilinniagaqalernissamut piareersimanerinit piginnaanerit piumasarineqartut aalajangersimasut aamma aalajangersimasuunngitsut eqqarsaatigalugit.

Aqutsisutut suleqatigiissitap isumannaassavaa nalilersuinernik inassuteqaatinillu nalunaarusianngorlugit saqqummiussisusoqassasoq, makkununnga tunngasuni: Inassuteqaatini ilaassapput inassutigineqartunut aaqqiissutissat assigiinngitsut, tamatumani aamma KPI-imut siunnersuutit (Key Performance Indicators), suliniutit qanoq kinguneqarsimanerannik nakkutiginnissutaasinnaasoq. Suliamilu immikkut isummerfigineqassapput inuusuttunut siunnerfusunut unammilligassat anguniakkallu, aamma inuusuttunut 30-it inorlugit ukiulinnut tunngatillugu.

Inuusuttut ilinniagaqalernissamut qanoq piareersimassusiannik nalilersuineq, Piareersarfiit aamma inuusutissarsiutinut ilinniarfiit aqutigalugit ullumikkut neqeroorutaasartut eqqarsaatigalugit.

- *FA/AEU-mi suliat imarisaasa killiffiillu assigiinngissusiat; tamatumani aamma qanoq annertutigisutigut piginnaanearfiulersussanut ilinniakkanut ammaassissutaanerat.*
- *Piareersarfinni aamma inuusutissarsiutinut ilinniarfinni maanna neqeroorutaasartut nalilersorneqarnerat, naammassisartut aamma pitsaassutsit uuttortarneqarneri eqqarsaatigalugit.*
- *Nunani Avannarlerni killerni allani misilittakkanik ilanngussuineq.*

Inuusuttut pillugit paasissutissanik katersinerup aaqgissuussap ingerlaavartumik malitseqartinneqartarnera aamma suleqatigiinneq, tassani immikkut inuusuttut siunnerfiusut sammineqarnerat. Paasissutissani ilaassapput inuusuttunut meeqqat atuarfianni naammassinerup kingorna ingerlasimanerat pillugu nalilersuinerit,

- *Inuusuttut AEU-mi aamma FA-mi atuartinneqarsimasut qanoq annertutigisumik ilinniartitaanerniinersut, AEU-mit aamma FA-mit naammassinerup kingorna ukioq ataaseq, ukiut marluk aamma ukiut pingasut.*

AEU-mi aamma FA-mi ingerlanneqartartut sunniutaannut naapertuuppat?

- *Suliami tassani ilaassapput AEU/FA-mi ilinniarnert inuusuttunit ingerlanneqartartut akornutaat taakkunungalu aaqqiissutissatut siunnersuutit, tamatumani immikkut inuussutissarsiutinut ilinniartinnit – brancheskolini – inissat killeqarnerannut tunngasumik ajornartorsiutit, taakkualu kingunerisaannik inuusuttut AEU-mi naammassereersimasut inuussutissarsiutinut ilinniartitaanerni suli tiguneqartannginneri.*
- *Aningaasaliissutit siunertanut pineqartunut atorineqartussat iluaqutaasumik suliniutinut allanut inuusuttunik siunnersuinerimut tunngasunut nuunneqarsinnaappat, assersuutigalugu siunnersuisartunut amerlanernut aningaasaliissutitut, siunnersuinerimut ornigulluni ingerlanneqartartunut kiisalu meeqqat atuarfianni siunnersuisarnerimut pitsaaneruseqarnerat, meeqqat atuarfimmiit naammassillutik ingerlaqqittussat eqqarsaatigalugit, ilinniagassamik kukkusumik toqqaasimanerup kingunerisaannik taamaatiinnartartut annikillisarnerlugit.*

Nalilersuineq, inuusuttut sammineqartussatut siunnerfiusut "tulluarsaqatigiissanut" immikkoortiterneqarsinnaanersut, ilinniagaqarnissamut inuussutissarsiuteqalernissamulluunniit piareersimassuseq eqqarsaatigalugu, taamatullu immikkoortiterineq AEU-mi aamma FA-mi ingerlatsinerim suli at akisussaaffillu agguataarneqarneranni ersersinneqartariaqarneris, Piareersarfinnut aamma inuussutissarsiutinut ilinniartinnit tunngatillugu.

- *AEU-mi aamma FA-mi ilinniarnermik ingerlatsinerit inuusuttunut ilinniartitaanertut eqikkakkamik aasaanerani atuartitaanertut ingerlanneqartariaqarnerisut nalilersorneqassaaq, inuussutissarsiutinut ilinniartinnit inuusuttunut ilinniartitaanerit ingerlanneqareersut saniatigut, taamalu inuusuttunut ilinniartinnit ilinnialersussanik amerlaneruseqarnerisut tiguisoqarsinnaanngorlugu.*
- *Nalilersuineq, 11. klassimi atuarnissamut neqeroorut atuartunut efterskolimi imaluunniit inuusuttunut ilinniakkani allani aallartinnigitsunut pilersinneqartariaqarneris, tamannalu ilinniartitaanernut annertusaataasinnaanersut.*

10.12 Konto pingaarnaq 40.91.03 Pikkorissartitsineq

Periusissatut iliuusissatullu pilersaarut ataatsimiititaliap apeqqutaani siullermi taaneqartoq qanoq ingerlanniarnearpa?

Akissut:

Naatsorsuutigineqarpoq suleqatigiissitamik maj 2015-imi pilersitsisoqassasoq, anguniakkanik iliuusissatullu pilersaarutinik suliaqartussamik. Suliassaqarfimmi tassani sulianik september 2014-imi qinersinissamik nalunaaruteqartoqarnera sioqqullugu aallartitsisoqarsimangilaq. Naalakkersuisulli kissaatigaat nalilersuineq piviusunngortinneqassasoq, Inatsisartuusimasut kissaatigisimasaattut.

10.25 Konto pingaarneq 40.94.14 Nuna tamakkerlugu meeqqanut inuusuttunullu suliniaqatigiiffinnut tapiissutit

Suliniaqatigiiffimmut ilaasortat allattorsimaffiannik naatsorsuutinillu (Kalaallit Nunaanni spejderit) amigaateqartumut aningaasanillu tunniussivigineqarumangitsumut aningaasanik immikkoortitsinissaq Naalakkersuisut qanoq illersorsinnaaneraat itisileqquneqarpoq. Tamanna sumut killippa aammalu taakkununga nunatta karsiata tapiissuteqartarnera qaqugu unitsivinniarneqarpa?

Akissut:

AIS2015-imut atatillugu Naalakkersuisut allannguutissatut siunnersuuteqarniarput, Spejderit kattuffiannut tapiissutaasinnaasut 100.000 kr.-inik ikilineqarnerannik kinguneqartussamik. Tamatumalu saniatigut Spejderit kattuffiata 2015-imi suli tapiissuteqartarnermut piumasagaatit naammassisimangippagit Naalakkersuisut isumaliutiginiarpaat tapiissutit 2016-imi aningaasanut inatsimmi peerneqassanersut.

Tapiissutinik atornerluisimanerup ilisimaneqalernerata kingorna Naalakkersuisut Sorlammut sooq suli tapiissuteqartarnerisut itisileqquneqarpoq. Qanga politiinut nalunaarutiginnittoqarpa?

Akissut:

Politiinut unnerluutiginninneq tunniunneqarpoq 25. november 2015. Politiit suli suliassaq misissorpaat. Siunnersuuteqartoqanngilaq Sorlak-mut tapiissutit annikillineqarnissaannik, kattuffiup siunertaa suli inuiaqatigiinnut naleqquttut tapersortariaqartutullu isigineqarmat. Soorluli akissummi siullermi ersittoq tapiissutinik tunniussisarnermi nakkutilliineq annertusineqarsimavoq, kukkunerisuisut avataaneersut inassuteqarnerattut, piumasagaataavorlu aamma akiitsut aningaasaliissutinut immikkoortoq B-miittunut tunngasut akilersorneqassasut.

Taarsiullugu suliniaqatigiiffiit allat pingaarutilinnik aamma suliallit, soorlu Meeqqat Inuunerissut, Nanu børn, Transparency Greenland, Avataq allalluunniit tapiiffigineqartarnissaat Naalakkersuisunit isumaliutigineqarniarpa?

Akissut:

Kattuffiit siuliani pineqartut tapiiffigineqarsinnaapput konto pingaarneq - 40.94.21 Danske spil-imit kaaviiaartitanit Kalaallit Nunaata pissarsianit tapiissutit aqqutigalugit. Tamatumalu saniatigut ingerlaavartumik isumaliutigineqartarpoq kattuffiit allat, soorlu Aningaasaqarnermut

*Ataatsimiitaliamit eqqaaneqartut konto pingaarneq 40.94.14 aqutigalugu
tapiiffigineqartariaqarnersut, kiisalu kattuffiit immikkut kontomit pingaarnermut
40.94.14-imiit tapiiffigineqartartut immikkut tapiiffigineqartarunnaassanersut.*

Inussiarnersumik inuulluaqqusillunga



Nivi Olsen